

治準繩



卷之九



漢書門			
類	號	函	架
一	三	二	一
〇	〇	〇	〇
冊	架	函	號

內閣文庫			
類	號	冊	函
〇	〇	〇	〇
〇	〇	〇	〇
冊	架	函	號

內閣文庫			
番號	漢	13010	
冊數	120 (96)		
函號	301	64	



幼科證治準繩集之九

肺

錢主喘 實則悶亂喘促有飲水者有不飲水者

虛則哽氣長出氣 肺病悶亂哽氣長出氣氣短

喘急 肺熱手搭眉目鼻面甘桔湯主之 肺盛復

有風冷胃滿短氣氣急喘嗽上氣當先散肺後發散

風冷散肺瀉白散太青膏主之肺只傷寒則不胸滿

肺虛熱唇深紅色治之散肺虛熱少服瀉白散

金壇王肯堂字泰甫輯

肺臟怯唇白色當補肺阿膠散主之若悶亂氣麤喘促噎氣者難治肺虛損故也脾肺病久則虛而唇白脾者肺之母也母子皆虛不能相營故名曰怯肺主唇白而澤者吉白如枯骨者死也此以唇診肺之法怯也阿膠散主之若手尋衣領及亂捨物者肝熱也宜瀉青丸手搯眉目鼻面者肺熱也宜甘桔湯之類也肺病見春金旺肺勝肝也當瀉肺輕者肺病退重者目淡青必發驚更有赤者當搐故目淡青也潔肺主燥自病則喘嗽燥則潤之實則喘而氣盛瀉白散主之虛則喘而少氣先益黃散後阿膠散主之心乘肺賊邪熱而喘嗽先地黃丸中導赤

散後阿膠散主之肝乘肺微邪惡風眩冒昏憤嗽羌活膏主之腎乘肺實邪增寒嗽清利百部丸主之脾乘肺虛邪體重吐痰泄瀉嗽人參白朮散主之劉凡肺之得病必先觀心脾二臟之虛實若心火爍金即當先抑心氣後吃肺藥若心氣和即便看脾脉若脾氣虛冷即不能相生而肺家生氣不足則風邪易感故患肺寒者皆脾虛得之若脾氣盛實則亦痞隔中焦而大腸與肺表裏不能相通夫中焦熱隔則肺與大腸不通其熱毒之氣必上蒸於肺而生痰故患肺熱者多脾實得之心氣盛者瀉之脾氣虛

者益之脾氣實者通之然後隨其肺之寒熱以治之
故有抑心氣益脾氣通肺氣三藥若診其脉氣心脾
兩臟俱和而肺自生疾則但察肺家虛實而治之
薛肺經鬱熱用瀉白散肺氣自虛用四君子湯外邪
所乘用參蘇飲心火炎燥用人參平肺散中焦實痞
用大承氣湯脾不能生肺用異功散夫肺氣盛者肺
中之邪氣盛也其脉右寸必浮而有力宜用瀉白散
以瀉之若肺虛而有熱者執肺熱還傷肺之說而不
用人參則誤矣仍參其證治之
海肺苦氣上逆急食苦以瀉之訶子皮一作黃芩

肺欲收急食酸以收之白芍藥以酸補之五味子
以辛瀉之桑白皮肺虛以五味子補之如無他
證錢氏補肺阿膠散主之虛則補其母脾乃肺之母
以甘草補脾
阿膠散錢氏又名補肺散
阿膠壹兩半 煨炒 黍粘子炒香 甘草炙各貳錢半
馬兜鈴半兩 焙 杏仁半兩 去皮尖炒 糯米壹兩炒
右為末每服一二錢水一盞煎至六分食後溫服
海杏仁本瀉肺非若人參天門冬麥門冬之補也
當以意消息之 薛前方乃通治肺金之劑經云

肺 婦科 卷之九

用
虛則補其母若前藥未應當用五味異功散以補脾

海肺實以桑白皮瀉之如無他證以瀉白散主之實則瀉其子腎乃肺之子以澤瀉瀉腎

瀉白散錢氏又名瀉肺散

桑白皮細剉炒黃地骨皮洗去土焙各壹兩甘草炒半兩

右件為末每服一二錢水一中盞入粳米百粒同煎至六分食後溫服

海治肺熱骨蒸自汗宜用此直瀉之用山梔黃芩方能瀉肺但當以氣血分之

甘桔湯方見咽喉

羌活膏俱見驚搐

人參白朮散方見痘渴

參蘇飲雜病發熱

大青膏

百部丸方見咳嗽

四君子湯方見雜病虛勞

人參平肺散雜病咳嗽

咳嗽

內經曰五臟六腑皆令人咳非獨肺也皮毛者肺之舍也皮毛先受邪氣邪氣聽從其令也五臟之欬久乃移於六腑又病機式要云欬謂無痰而有聲肺氣傷而不清也嗽謂無聲而有痰脾濕動而為痰也欬嗽謂有聲有痰也因傷肺氣動於脾濕故咳而嗽也又生氣通天論云秋傷於濕冬必咳嗽大抵素秋之氣宜清而肅反動之則氣上衝而為咳嗽甚則動於脾濕而為痰也蓋風乘肺者日夜無度汗出頭痛痰

肺
涎不利熱乘肺者急喘而嗽面赤潮熱手足寒冷小
兒多有之火乘肺者咳嗽上壅涕唾出血甚者七竅
血溢燥乘肺者氣壅不利百節內痛頭面汗出寒熱
往來皮膚乾燥細瘡燥痒大便秘澀涕唾稠粘寒乘
肺者或因形寒飲冷冬月坐卧濕地或受冷風春秋
之氣或因外感夏是火氣炎上最重秋是濕熱傷肺
冬是風寒外來也宜各隨其證而治之

錢氏法 夫嗽者肺感微寒八九月間肺氣大王病
嗽者必實非久病也其證面赤痰盛身熱法當以葶
蘆丸下之若久者不可下也 十一月十二月嗽者

乃傷風嗽也風從背脊第三椎肺俞穴入也當以麻
黃湯汗之有熱證面赤飲水涎熱咽喉不利者宜兼
甘桔湯治之若五七日間其證身熱痰盛唾粘者以
漏銀圓下之 有肺盛者欬而後喘面腫欲飲水有
不飲水者其身即熱以瀉白散瀉之 若傷風咳嗽
五七日無熱證而但嗽者亦葶蘆圓下之後用下痰
藥 有肺虛者欬而哽氣時時長出氣喉中有聲此
久病也以阿膠散補之痰盛者先實脾後以漏銀圓
微下之涎退即補肺補肺如上法 有嗽而吐水或
青淥水者以百祥圓下之 有嗽而吐痰涎乳食者

白餅子下之。有嗽而咯膿血者，乃肺熱食後服甘
桔湯。久嗽者，肺亡津液，阿膠散補之。欬而痰實
不甚喘而面赤時飲水者可禰銀圓下之。治嗽大
法盛卽下之，久卽補之，更量虛實以意增損。杜氏
子五歲自十一月病嗽至三月未止始得嗽而吐痰
乃外風寒蓄入肺經令肺病嗽而吐痰風在肺中故
也宜以麻黃散葷發散後用涼藥壓之卽愈時醫與
珠粉丸半夏丸禰銀丸諸法下之其肺卽虛而嗽甚
至春三月間尚未愈召錢視之其候面青而光嗽而
喘促哽氣又時時長出氣錢曰病困十已八九然所

以面青而光者肝氣旺也春三月者肝之位肺衰之
時也嗽者肺之病肺自十一月至三月肺卽虛痿又
曾下之脾肺子母俱虛復爲肝所勝此爲逆也故嗽
而喘促哽氣長出氣也錢急與瀉青丸瀉之後與阿
膠散實肺次日面青而不光錢又用補肺而嗽如前
又與瀉肝未已而又加肺虛唇白如練錢曰此病必
死不可治之何者肝太旺而肺虛絕肺病不得時而
肝勝之今三瀉肝而肝病不退三補肺而肺病尤
虛此不久生故言死也此證病於秋者十救三四春
夏者十難救一果大喘而死京東轉運使李公有

咳

力

七

孫八歲病嗽而胃滿短氣醫者言肺經有熱用竹葉湯牛黃膏各二服治之三日加喘錢氏曰此肺氣不足復有寒邪即使喘滿當補肺脾勿服涼藥李曰醫已用竹葉湯牛黃膏錢曰何治也醫曰退熱退涎錢曰何熱所作曰肺經熱而生嗽嗽久不除生涎錢曰本虛而風寒所作何熱也若作肺熱何不洽其肺而反調心蓋竹葉湯牛黃膏治心藥也醫有慙色錢治愈東都張氏孫九歲病肺熱他醫以犀珠龍麝生牛黃治之一月不愈其證嗽喘悶亂飲水不止全不能食錢氏用史君子丸益黃散張曰本有熱何以又

行溫藥他醫用涼藥攻之一月尚無效錢曰涼藥久則寒不能食小兒虛不能食當補脾候飲食如故即瀉肺經病必愈矣服補脾藥二日其子欲飲食錢以瀉白散瀉肺遂愈十分張曰何以不虛錢曰先實其肝然後瀉肺故不虛也

潔古法 肺之生病而成嗽大抵秋冬則實春夏則虛更詳五臟兼見之證以辨虛實若實則面赤飲水身熱痰涎盛涕唾稠粘咽乾不利喘嗽面腫吐食皆當先補脾益黃散後瀉肝瀉青丸若咯膿血是肺痿也用清肺散治之若虛則面白脫色氣少不語喉中

咳

九

有聲唾痰清利法當阿膠散補之若亡津液用白朮散主之
嗽而兩脇痛者屬肝經用小柴胡湯發熱
咳而嘔苦水者屬膽經用黃芩半夏生薑湯咳而喉
中如梗者屬心經用甘桔湯咳而失氣者屬小腸用
芍藥甘草湯咳而右脇痛者屬脾經用升麻湯咳而
嘔長蟲者屬胃經用烏梅丸咳而喘息吐血者屬肺
經用麻黃湯咳而遺尿者屬大腸用赤石脂湯咳而
腰背痛甚則咳涎者屬腎經用麻黃附子細辛湯咳
而遺尿者屬膀胱用茯苓甘草湯咳而腹滿不欲食
面腫氣逆者屬三焦用異功散吐瀉

曾氏法 咳嗽者固有數類但分冷熱虛實隨證疎
解初中時未有不因感冒而傷於肺內經曰肺之令
入咳何也岐伯曰皮毛者肺之合也皮毛先受邪氣
邪氣得從其合故難經云形寒飲冷則傷肺使氣上
而不下逆而不收衝壅咽膈淫淫如痒習習如梗是
令嗽也乍暖脫着暴執遇風邪氣侵於皮膚肺先受
之而為咳嗽若初得時面赤唇紅氣麓發熱嗽來痰
鳴此是傷風壅痰作嗽用清肺飲五拗湯及小柴胡
湯羌活散傷寒皆可解表次青木香湯陰腫有小兒汗
出未乾遽爾戲水亦致傷風咳嗽外證眼胞微浮額

咳散

力斗九

九

汗痰鳴亦宜清肺飲瀉肺湯與之疎風化痰解利邪
熱小柴胡湯亦可若嗽日久津液枯耗肺經虛矣
肺為諸臟華蓋卧開而坐合所以卧則氣促坐則稍
寬乃因攻肺下痰之過名為虛嗽聲連不斷喉中痰
鳴氣息欲絕嗽罷則吐白沫或乾嘔此肺虛而氣不
順也面唇皆白而慘嗽過額上多汗哽氣長出乳食
減少致脾虛而胃亦虛宜其有吐投茯苓厚朴湯吐
及藿香飲食不乳次温脾潤肺理中湯瀉加杏仁北五
味子水煎服蓋此藥補脾而益肺藉土氣以生金則
自愈矣或嗽而頰紅有紫黯色於理中湯內再加乾

薑為用亦良法也 有脾虛亦能作嗽當投補劑用
醒脾散驚慢茯苓厚朴湯吐令脾氣實然後間以清肺
飲煎服疎解肺經風寒及藿香飲助脾養胃亦救子
益母之法也 有一證咳嗽至極時頓嘔吐乳食與
痰俱出盡方少定此名風痰壅盛肝木尅脾土宜以
白附飲吐投之即効

薛氏法 若咳嗽流涕外邪傷肺也先用參蘇飲喘
嗽面赤心火刑肺也用人參平肺散及六味地黃丸
腎嗽而吐青綠水肝木乘脾也用異功散加柴胡桔
梗嗽而吐痰乳脾肺氣傷也用六君子加桔梗若嗽

咳

力斗九

唾膿痰者熱蘊於肺而成肺癰也用桔梗湯見肺凡
 風邪外傷法當表散而實腠理其用下藥非邪傳於
 內及胃有實熱者不宜輕用面色白脉短濇者肺之
 本證也易治面色赤脉洪數者火刑金也難治
發表麻黃湯 治太陽證頭疼發熱身痛惡風無汗
 喘滿脉浮緊八九日不解當發汗汗已煩悶瞑目
 者必衄衄乃解所以然者陽氣重故也
 甘草 半兩
 麻黃 去節壹兩半
 桂枝 壹兩
 杏仁 去皮叁拾伍箇
 右每服三錢水煎

三拗湯 治感冒風邪鼻塞聲重語音不出或傷風
 頭疼目眩四肢拘倦咳嗽多痰胸滿氣短
 麻黃 不去節
 杏仁 不去皮
 甘草 生用
 右各等分剉散每服三錢水一盞生薑三片煎至
 六分去滓溫服取汗為度一方加荆芥桔梗嗽甚
 加五味子細辛各減半又方麻黃去節杏仁去皮
 尖甘草炙各三和湯治喘嗽尤妙加減在乎活法
 有熱加前胡傷風加荆芥有痰加半夏
 加減三拗湯

麻黃 去根節叁錢水
 煮去沫焙乾

桂枝 貳錢

咳散

幼斗

十一

杏仁赤箇去皮尖炒

甘草炙壹錢

右為麤末入杏膏拌勻每服一錢水六分煎至四分去渣溫服無時以汗出為度量大小加減若自汗者不宜服之

五拗湯 治感風濕及形寒飲冷痰嗽咳逆連聲不

已

麻黃不去根節 杏仁不去皮尖 荆芥不去梗

桔梗蜜水搗炒 甘草貳錢半

右每服二錢水一盞煎七分無時溫服

百部丸 治小兒肺寒壅嗽微喘有痰

百部炒

麻黃去節各參兩 杏仁肆拾枚去皮尖微炒研入

右為末煮熟棗子丸如皂子大溫水下二三丸無

時日三四服此本方也仲景加松子仁五十箇蜜

丸更加胡桃肉含化太妙一方加甘草二錢

九寶飲 治小兒嗽是肺臟感寒須表散却服嗽藥

麻黃去節 薄荷 大腹皮

紫蘇各半兩 陳皮 杏仁去皮尖

桑白皮炙 肉桂 枳殼各貳錢半

甘草壹錢半

右判散每服一錢生薑烏梅煎服冷證去薄荷熱

咳散

力科七

十一

證去陳皮桂

華蓋散 治肺感寒邪咳嗽上氣胸膈煩悶項背拘

急聲重鼻塞頭目昏眩痰氣不利

麻黃 去節

紫蘇子 隔紙炒

桑白皮 蜜炙

杏仁 去皮尖炒

赤茯苓 去皮

陳橘皮 去白半兩

甘草 炙貳錢

右剉散每服二錢水半盞煎至三分去滓量大小
加減食後溫服

金沸草散 治傷風化痰頭目昏痛頸項強急往來
寒熱肢體煩疼胃膈滿痰涎不利咳嗽喘滿涕唾

稠粘及治時行寒疫壯熱惡風

荆芥 肆兩

前胡 去蘆

麻黃 去節

旋覆花 各叁兩

甘草 炙

半夏 湯洗七次
薑汁浸

赤芍藥 各壹兩

右剉散每服二錢水一盞生薑三片棗一枚同煎
六分去滓溫服不拘時有寒邪則汗出嗽甚加杏

仁五味子

麥煎散 治小兒夾驚傷寒吐逆壯熱表裏不解氣

麤喘急面赤自汗或狂語驚叫或不語無汗及癩

疹遍身赤痒往來潮熱時行痲痘疹子餘毒未盡

渾身浮腫痰涎咳嗽或變急慢驚風手足搐搦眼
目上視及傷風頭疼並治之

滑石 地骨皮 赤芍藥

石膏 白茯苓 杏仁

知母 甘草 葶藶子炒

人參 各半兩 麻黃去節壹兩半

右為末每服一錢麥子煎湯調下如初生牙兒感
冒風冷鼻塞身熱噴嚏多啼每一字用麥子煎湯
調下一方去地骨皮滑石加羌活川芎薄荷煎湯
調下

小青龍湯 治傷寒表不解惡寒體熱水停心下乾

嘔發熱而嗽或渴或利小便不利或噎小腹滿喘

麻黃去節微和者去麻黃加葶藶花如彈子大炒

令赤色若噎者去麻黃加附子半錢炮若喘者去麻黃加杏仁去皮尖

赤芍藥 半夏泡若渴者去半夏加括蕞根

細辛 乾薑炮 肉桂去麋皮

甘草各柒錢半 五味子半兩

右剉散每服三錢水一盞煎七分去滓加減服

清肺飲 治肺受風邪客熱嗽聲不斷氣促喘悶痰

壅鼻塞流涕失音及解時行疹毒豆瘡涎多咳嗽

咽痛煩渴

柴胡淨洗

桔梗剉炒

枳殼去穢

麻黃去節湯泡

旋覆花伍錢

人參去蘆

赤芍藥

桑白皮剉炒

半夏湯煮透瀝仍剉

甘草壹兩

杏仁湯泡去

荆芥

北五味子

右剉每服二錢水一盞薑二片葱一根煎七分無

時溫服或入薄荷同煎

解表散 主傷風感冷咳嗽痰喘嘔吐瀉利驚悸有

熱證在表裏並宜可投

麻黃製法

杏仁湯泡去

赤茯苓去皮

羌活半生半炙

枳殼製法同上

甘草半錢半

右剉每二錢水一盞薑二片葱白一莖煎七分溫

服無時有熱入薄荷同煎

和解湯 治小兒四時感冒寒邪壯熱煩躁鼻塞多

涕驚悸自汗肢體疼痛及瘡疹已發未發皆可服

羌活 防風 人參

川芎 各壹兩 乾葛 升麻

甘草 芍藥 各半

咳嗽

公和九

十五

右剉散每服三錢薑棗煎服加荆芥無汗加麻黃咳嗽者加杏仁五味子桔梗

收裏 錢氏葶藶丸 治乳食衝脾傷風咳嗽面赤痰

盛身熱喘促

味甜葶藶去土隔 黑牽牛微炒

杏仁去皮尖炒 漢防已各壹兩

右為末研入杏膏拌勻蒸陳棗肉和再搗為劑丸

如麻子大每服五丸至七丸淡生薑湯下乳食後

或臨夜服量兒大小加減

潔 人參荆芥散 治身熱痰嗽胸膈不利宜下痰去

熱 人參半兩 荆芥穗壹兩 大黃貳錢

右為細末水煎調檳榔木香細末五分輕粉一字

乳後服如身熱潮熱宜服清涼飲子去太黃三服

之後一二日却入太黃服之令踈利則愈不可便

動臟腑

漏銀丸 治風涎膈實上熱及乳食不消腹脹喘

更巴豆去油膜皮 水銀伍錢 黑鉛貳錢半同

麝香另研 好墨火燒醋粹

右將巴豆末并墨再研勻和入砂子麝香陳米粥

亥飲

力斗七

廿六

和丸如菜豆大捻福一歲兒一丸二三歲二三丸
五歲已上五六丸煎薄荷湯放冷送下不得化破
更量虛實加減並食後服虛人先以益黃散實脾
肺

涼劑瀉肺湯

主傷風後五心煩熱咳嗽喘促唇紅

頰赤發渴引飲

桑白皮剉炒

地骨皮淨洗焙乾

甘草炙

各壹兩炙叁錢

右以咀每服二錢水一盞粳米百粒煎七分食後

臨卧温服或不拘時

聖惠天門冬散

治小兒心胸煩悶體熱咳嗽

天門冬去心

桑根白皮剉

赤茯苓

柴胡去苗

百合

紫苑洗去苗土

藍葉

甘艸炙微赤剉已

右件搗羅為散每服一錢以水一小盞入生薑少許煎至五分去滓量兒大小以意分減温服

聖惠百部散

治小兒欬嗽煩熱令乳母服

百部

貝母煨微黃

紫苑洗去苗土

葛根剉各壹兩

石膏貳兩

右件搗羅為散每服三錢以水一小盞入竹葉二七片煎至六分去滓每於食後服令兒飲乳甚佳

咳散

力斗七

七

黃芩散 治小兒嗽

黃芩 不拘多少用童子小便浸三日取出剉碎焙乾

右為細末每服一字或半錢白湯少許調下乳食後服

柴胡石膏湯 治時行瘟疫壯熱惡風頭疼體疼鼻

塞心胸煩滿寒熱往來咳嗽涕唾稠粘

桑白皮 黃芩 各參錢半 升麻 貳錢半

石膏 前胡 赤芍藥

乾葛 柴胡 各伍錢 荆芥穗 參錢

右為末每服一二錢薑二片淡豉十粒水煎

溫補 張煥養肺湯 溫養脾胃

紫苑 洗去土焙乾 半夏 湯洗去遍 款冬花

真阿膠 炙各壹兩 人參 去蘆 桂心 各半兩

右件搗羅為細末每服壹錢水壹小盞入生薑貳片糯米五粒煎至五分去滓放溫時時服

菖蒲煎 治肺中風邪喘鳴肩息

石菖蒲 壹寸九節者 款冬花 紫苑 去土洗焙乾

人參 去蘆 桂心 各壹兩

右件搗羅為細末煉蜜同石臼中搗一二百下和如皂子大每服一粒煎糯米飲化下

木香半夏丹 治胃寒咳嗽

木香

半夏湯洗七次焙乾

肉豆蔻各壹兩

藿香葉

丁香

白朮各半兩

右件搗羅為細末取生薑自然汁和如黍米大每服拾粒煎人參湯下量兒大小加減

順肺湯 治心肺不利咳嗽

紫蘇葉

半夏湯洗七遍焙各壹兩 五味子

款冬花

陳橘皮湯浸去白 桂心

木香各半兩

右件搗羅為細末每服一錢水八分入生薑人參

各少許煎肆分去滓溫服

聖惠陳橘皮散 治小兒咳嗽胸中滿悶不欲

乳食

陳橘皮

湯浸去白焙 桔梗去蘆

鷄蘇

杏仁

湯浸去皮尖 人參去蘆各壹分

貝母煨微黃

右件搗羅為麤散每服一錢以水一小盞入燈心十莖煎至五分去滓溫服日三四服量兒大小以

意加減

麥門冬煎

治小兒咳嗽壯熱胸膈壅滯

麥門冬

去心壹兩

生薑

半兩取

酥

杏仁去皮尖炒

桔梗各貳錢

茯苓

甘草

人參

半夏各壹錢

五味子

前胡各壹錢半

右劉散生薑薄荷煎服有熱加羌活或加麻黃細辛

保肺湯 治肺胃受風熱痰盛欬喘吐不止及治

久嗽不愈

山藥

白茯苓

紫蘇葉

黃芩

防風

杏仁去皮尖炒

五味子

桔梗

百部陸分

藿香

百合各伍分

白僵蠶貳錢去絲箔炒

右水煎食後服

天麻防風丸

治驚風咳嗽身體壯熱多睡驚悸手足抽掣精神昏憤痰涎不利及風邪溫熱

天麻 防風 人參 麝香

辰砂

雄黃

麝香

甘草炙各貳錢半

全蝎炒

僵蠶各半兩炒

牛黃

一方有牛膽南星無麝香

右為末煉蜜丸

桐子大每服一二丸薄荷湯下

下氣

紫蘇子散

治小兒咳逆上氣因乳哺無度內

挾風冷傷於肺氣或小兒啼氣未定與乳飲之與氣相逆氣不得下

紫蘇子

訶子

杏仁

蘿蔔子

木香

人參

青皮

甘草

人參

右為細末每服二錢水一盞生薑三片煎至五分

去滓不拘時服量兒加減

肘後療小兒咳嗽方

紫苑

貝母

款冬花

右擣為散每服如豆大着乳頭上令兒和乳嚥之

日三四乳母忌食大鹹醋物聖惠用清粥飲調一字

張渙馬兜鈴丹

治小兒肺壅欬嗽大便秘

馬兜鈴

紫蘇子

人參

款冬花

木香

杏仁

另細研

右件同拌勻鍊蜜和如黍米大每服十粒煎生薑

湯下量兒大小加減

化痰

人參半夏丹

消痰飲止咳

人參

半夏

白朮

咳

力

三

川麴薑

天南星

微炮各壹兩

右件搗羅為細末取生薑汁打麴糊和如黍米大每服十粒煎生薑湯下月內百啐嬰兒如鍼頭大沾在乳頭上令兒吮之

貝母湯 治肺中風咳嗽喘滿

貝母

炒黃

半夏

白礬湯洗七遍焙乾各壹兩

乾薑

麻黃

去根

欬冬花

甘草

炙各半兩

右件搗羅為細末每服一錢水一小盞入生薑三片杏仁二粒去皮尖同煎至五分去滓溫服

補虛

潔古黃芪湯

治小兒咳嗽喘逆身熱鼻乾燥

者是熱入肺經為客熱呷呀有聲

黃芪

貳兩

人參

貳錢半

地骨皮

伍錢

桑白皮

叁錢

甘草

貳錢半

右以咀水煎放溫頻頻服之

海藏加味四君子湯 治涎嗽

人參

白朮

白茯苓

甘草

杏仁

桑白皮

各等分

半夏麴

減半

水煎服

又治咳嗽用四君子末煎紫蘇湯調下

張煥蟬殼湯 治肺氣不利病

蟬殼微炒 五味子湯洗米入 人參去蘆

陳橘皮湯浸去白焙乾 甘草炙各半兩

右件搗羅為細末每服半錢煎生薑湯調下

白朮五味湯方治欬逆氣逆上喘

五味子 白朮 丁香

人參去蘆頭 款冬花各半兩 細辛去土壹分

右件搗羅為細末每服一錢水八分入生薑二片

煎至四分去滓放溫令時時呷之

人參平肺散 治心火剋肺咳嗽喘嘔痰涎壅盛胸

膈痞滿

人參 橘紅 甘草炙 地骨皮各伍分

茯苓 知母炒各柒分 五味子炒 天門冬去心

青皮各肆分 桑白皮炒壹錢

右每服一二錢水煎

收經 細辛五味子湯 治肺經不足胃氣怯弱或鼻

風邪或停寒有飲咳嗽倚息不得安卧胸滿短氣

乾嘔作熱嗽唾結痰或吐涎沫頭目昏眩身體疼

重語聲不出痛引胸脇不問新久並宜服之

細辛去苗土 半夏湯泡各壹兩 鷲粟殼去蒂蓋炒

五味子各叁兩 烏梅去核 甘草各壹兩半

桑白皮炒陸

右剉散每服二錢水一盞生薑五片煎至六分去滓温服

分經

黃芩半夏生薑湯

治膽腑欬嘔苦水若膽汁

黃芩

生薑

甘草炙

芍藥各陸分

大棗貳箇

半夏壹錢五分

右水煎服

甘桔湯 治心臟咳而喉中如梗甚則咽腫喉痺

粉草

苦梗各壹錢

右水煎食後服

芍藥甘草湯 治小腸腑咳而失氣

芍藥

甘草炙各壹錢

右水煎服

升麻湯 治脾臟咳而右脇下痛痛引肩背甚則不可以動動則欬涎方見傷寒

升麻

烏梅丸 治胃腑咳而嘔嘔甚則長蟲出

烏梅叁拾箇

細辛

附子製

桂枝

人參

黃蘗各陸錢

乾薑

黃連各壹兩

當歸

蜀椒各肆兩

右為末用酒浸烏梅一宿去核蒸之與米飯搗和

咳

力

五

丸如桐子大每服十九白湯下

赤石脂禹餘糧湯 治大腸咳而遺尿

赤石脂 禹餘糧各貳兩 並打碎

右每服二錢水煎

麻黃附子細辛湯 治腎臟咳則腰背相引而痛

甚則咳涎又治寒邪犯齒致腦齒痛宜急用之緩則不救

麻黃 細辛各貳錢 附子壹錢

右每服一錢水煎

茯苓甘草湯 治膀胱咳而遺溺

茯苓貳錢 桂枝貳錢 生薑片伍大

右每服二錢水煎

百啐內嗽 此名乳嗽實難調理亦惡證也當審虛實

而施治焉實者散之虛者補之其證氣喘痰盛口瘡

眼熱發散後可利之比金圓驚等藥主之散其實也

其證嘔吐嗽後驚悸困倦自汗者當用補肺散益黃

散天麻散補其虛也大抵治驚嗽琥珀散主之天麻

圓乃要藥也用天麻蟬退殭蠶人參川芎甘草硼砂

天竺黃膽製南星白附子坯雄黃金箔末之煉蜜圓

如雞頭大金箔為衣每服一圓薄荷湯化下治未滿

咳嗽

小兒

三

百啐咳嗽不止遠勝諸藥曾百日內嬰孩偶咳嗽

痰壅睡中不寧亦因產後感風而得但不可過用發

散之劑先以解表散前見一二服次投貝母湯及惺惺

散治薛若脾胃內熱者用抱龍丸驚風邪外感者

用惺惺散痘初痰熱既去而氣粗痰盛或流涎者脾

肺氣虛也用異功散吐瀉加桔梗口瘡眼熱大便堅實

者用三黃丸裏大便不實者用白朮散渴若嘔吐不

乳困倦自汗或自利腹脹者脾胃氣虛也用六君子

吐瀉加柴胡若驚悸困倦痰盛不乳者心脾血虛也四

君吐瀉加芩歸酸棗仁或因乳母食五辛厚味致兒為

患著仍參喘嗽諸證

補肺散又名阿膠散治小兒久患咳嗽氣急有痰惡心喘

虛見前

天麻散 治嬰兒咳嗽有痰氣壅面紅身

南星水浸春秋五日冬入 天麻參錢

辰砂壹錢 麝香壹字

右為末每服一字用杏仁湯調下人參湯亦可

天麻圓 治小兒未滿百啐咳嗽不止名曰乳嗽

天麻 蟬蛻 僵蠶

人參各壹錢 川芎壹錢半 甘草貳錢

咳

刀

三

咳

鵬砂 半錢

辰砂

天竺黃

牛膽南星 各貳錢

白附子

坯

雄黃 各壹錢

金箔 伍片

右為末煉蜜圓如芡實大金箔為衣每服一圓薄荷湯化下

琥珀散 治急慢驚風涎潮昏冒目瞪驚搐內釣腹痛或驚癇時發

辰砂 壹錢

琥珀

牛黃

僵蠶 炒去絲嘴

牛膽南星

全蝎

白附子

代赭石

天麻

乳香

蟬殼 各壹錢

右為末每服一二分白湯調下

貝母湯 主百日內嬰孩咳嗽有痰

貝母 壹兩

甘草 半炙半生

右件剉焙為末每服一字或半錢用陳米煎湯空心調服痰盛淡薑湯調下

惺惺散 主傷風傷寒痰嗽咳逆理虛和氣寧心清肌止啼去煩利咽解失音

人參 去蘆半兩 桔梗 剉炒 白茯苓 去皮

白朮

天花粉 肆味各壹兩

細辛 去葉

亥

力

三

防風 去蘆

川芎

南星 生用參味各貳錢半

甘草 半生半炙

右件咬咀每服二錢水一盞薑一片薄荷三葉慢火煎七分無時溫服

外臺小品療少小十日以上至五十日卒得暴欬吐乳嘔逆晝夜不得息四物湯

桔梗

紫苑 各參分

甘草 炙壹分

麥門冬 去心

右藥切以水一升煮取六合去滓分五服以差為度千金有桂心無桔梗以水二升煮取一升以綿

着湯中捉綿滴兒口中晝夜四五過節哺乳

張渙雄黃膏 治月裏兒欬嗽并三歲已下皆可服

雄黃 壹錢

杏仁 米粒去

半夏 米箇童子小便浸

宿切作片子焙乾為末

右一處研勻用生薑自然汁半兩蜜半兩一處入

藥末於罐子內重湯中熬用柳枝子攪成膏每服

一皂子大塗妳頭與兒吮或糯米飲調下

趙氏治小兒未晬欬方

白殭蠶 直者

右為細末塗少許妳頭上令兒喫立效

亥嗽

力斗九

三九

嗽膿血 錢氏曰有喘而咯膿血者乃肺熱食後服甘
桔湯久嗽者肺亡津液阿膠散主之散即補肺咳
而痰實不甚喘而面赤飲水者福銀丸下之方見前
段齋郎子四歲病嗽身熱吐痰數日而咯血前醫以
桔梗湯及防已丸治之不愈涎上攻吐喘不止請錢
氏下福銀丸一大服復以補肺湯補肺散治之或問
段氏子咯血肺虛何以下之錢曰肺雖咯血有熱故
也久則虛痿今涎上潮而吐當下其涎若不吐涎則
不甚便蓋吐涎能虛又生驚也痰實上攻亦能發搐
故依法只宜先下痰而後補脾肺必涎止而吐愈為

順治也若先補其肺為逆耳此所謂識病之輕重先
後為治也

甘桔散

桔梗米泔浸一宿焙乾 甘草炒各

右為細末每服一大錢水一大盞入阿膠半兩炮
煎至五分食後溫服海甘桔湯仲景少陰咽痛
藥也孫真人治肺癰吐膿血用生甘草加減二十
餘條

王氏手集解肌丸 治外搏風邪內挾痰飲寒熱往

來煩渴頰赤心忪減食熱在上焦咳嗽有血方

咳嗽

咳科九

三

防風

地骨皮

各壹分

右件燒沙糖為圓每服一九食後煎紫蘇湯下

團參丸

治嗽血

阿膠

皂子黃

人參

各半

右除膠為細末湯少許洋膠和鷄頭大白湯化下

雞清散

朱氏

治欬嗽出血下涎

鬱金

半兩用皂莢漿水壹盞或酸菜汁亦得煮乾為度

滑石

半兩生

雄黃

半兩醋煮半乾用

右為細末每服一字常服薄荷湯調下止嗽螺粉

水下嗽血鷄子清調下

嗽作呀呷聲

聖惠夫小兒嗽而呀呷作聲者由胸膈

痰多嗽動於痰上搏於咽喉之間痰與氣相擊隨嗽

動息呀呷有聲其咳嗽本體雖同至於治療則加消

痰破飲之藥以此為異爾

聖惠射干散 治小兒咳嗽心胸痰壅攻咽喉作呀

呷聲

射干

麻黃

去根節

紫苑

洗去苗土

桂心

已上各半兩

半夏

半分湯洗七遍去滑

甘草

炙微赤壹分

右件藥搗麤羅為散每服一錢以水一小盞入生

薑少許煎至五分去滓入蜜半茶匙攪令勻不計

咳科

力科九

三

時候量兒大小分減温服

陳橘皮散 治小兒咳嗽咽中作呀呷聲

陳橘皮 湯浸去 桑根白皮 剉 杏仁 湯浸去皮

甘草 炙 甜葶藶 藹紙炒令紫色

右件藥搗麤羅為散每服一錢以水一小盞煎至

五分去滓放温量兒大小加減服

蘿蔔子散 治小兒咳嗽喘急作呀呷聲

蘿蔔子 微炒 麻黃 去根節 燈心 壹大束

阜茨子 拾枚煨 甘草 炙微赤

右件藥搗麤羅為散每服一錢以水一小盞煎至

五分去滓不計時候量兒大小以意分減温服

蟬殼散 治小兒心胸痰壅咳嗽咽喉不利常作

聲

蟬殼 微炒 半夏 湯洗 甘草 炙微

漢防已 各壹分 桔梗 去蘆 陳橘皮 湯浸去白

右件藥搗細羅為散每服以生薑粥飲調下一字

三歲已上加之半錢

聖惠又方 大醫局方以此治痰

半夏 湯洗 甜葶藶 隔紙炒 杏仁 湯浸去皮

朱砂 細研飛 五靈脂 各半分

咳散

力斗九

三五

右件藥搗羅為末用生薑自然汁煮糊和丸如菉豆大每服煎麻黃湯下三九日三服量兒大小以意加減

張煥桔梗湯 治小兒咳嗽呀啞咽膈不利

桔梗 半夏 泡米次 紫蘇葉 炒

石膏 甘草 炙各半兩 阜莢 燒灰存性 壹分

右件搗羅為細末每服一錢水一盞入生薑三片煎五分放溫時時與兒服

郭氏曰小兒此疾本因暑濕所侵未經發散邪傳心肺變而為熱有熱生風有風生痰痰實不化

因循日久結為頑塊圓如豆粒遂成痰母推本其原或啼哭未休遽與乳食或飼以酸鹹氣鬱不利致令生痰或節令變遷風寒暑濕侵襲或墮水中水入口鼻傳之於肺故痰母發動而風隨之風痰潮緊氣促而喘乃成痼疾急宜去風化痰先以五苓散同寬氣飲俱寬熱飲裏熱用少薑汁和勻沸湯調服次進知母湯雄黃散如意膏半夏丸痰涎知母湯 治齶氣喘痰鳴發熱咳嗽惡風

知母 甘草 各半兩 貝母 羌活 滑石 別研 大黃 小麥 各叁錢 麻黃 去根節湯 泡去沫焙

咳散

力科九

三三三

苦苧蔴 訶子肉 各壹錢半

薄荷 去梗 貳錢

右件吹咀每服二錢水一盞薑二片煎七分無時
溫服

雄黃散 主暴中急慢驚風勦胎痰涎滿口及用侵

閉汗不通或涼或熱坐卧生煩

雄黃 紅亮者 貳錢半

白藥 去黑皮

川烏 炮裂去皮 臍

草烏 炮裂去皮

天麻 明亮者

川芎 五味各半兩

右除雄黃外餘五味剉焙同雄黃為末驚風痰壅
每服半錢或一錢用薑汁茶清調下發汗水薑葱
薄荷同煎併投三服取効

如意膏 治痰喘氣促咳嗽連聲不已冷熱二證皆
可投

半夏 炮裂

南星 炮裂貳味 各壹兩半

右二味為末以生薑汁和勻捻作小餅如錢樣用
慢火炙乾再為末復取薑汁如前經兩次炙乾仍
焙為末煉蜜丸芡實大每服一丸至二丸仍用薑
蜜湯無時化服有熱以薄荷湯下

雄黃丹 治小兒勦胎喘滿咳嗽心胸煩悶傷熱蠲

毒

雄黃

朱砂 各壹錢 另研

杏仁 拾肆粒 炒

巴豆 赤粒

豆豉 淡者貳拾壹粒

右杏巴豉三味用米醋半盞乾薑一片指大煮令乾研成膏皂角一寸蜜炙焦先去子與皮法製牛膽一分同雄朱與杏膏研細和勻麵糊為丸如麻子大每一歲兒五丸壯者七丸二歲十丸淡生薑湯下

玉訣貝母丸 治小兒齁齕

貝母

天南星 薑汁製

人參

茯苓

甘草 炙

白附子 各等分

皂角子 赤枚炮

末之鍊蜜丸小豆大每服五七丸薄荷湯吞下

油衮丸 治小兒齁齕及虫積

雷丸

五靈脂 各壹分

巴豆 拾伍粒取霜

右末之滴水丸每三五丸麻油滾過井水吞下

惠眼內金丸 治小兒齁齕咳嗽

雞內金

雌黃 細研水飛過去永露三日方使

半夏 生

延胡索 各等分

右為末棗肉為丸如小豆大周歲三丸至四丸燈

心湯下

吉氏家傳治妳齁方

咳

力斗

三

天竺黃 蚌粉炒

右件等分研勻蜜調塗妳頭上與喫

腦子散 治小兒傷風欬嗽不住兼治瘕疝

大黃 壹分 鬱金 貳錢

右件二味先以豬牙皂角煮一復時取切片子焙

乾為末次入粉霜腦子各少許再同研令勻每服

一字沙糖水調下量兒肥瘦加減用之

嗽聲不出 聖惠杏仁煎 治小兒咳嗽聲不出

杏仁 湯浸去皮尖入水 酥 蜜各壹

右件藥先以杏仁汁於鍋中以重湯煮減去半入

酥蜜又湯煮二十沸却入貝母紫苑末各一分甘

草末半分更煎攪如餳收瓷器中每服以清粥飲

下半錢日三服夜一服嗽止為度量兒大小加減

又方

貝母 半兩煨 牛黃 細研壹錢 甘草 炙壹分

右件藥搗細羅為散每服以溫水調下半錢日三

四服量兒大小加減

又方

麥門冬 去心焙 杏仁 去皮尖

貝母 煨 款冬花 各壹分 紫苑 去土半兩

咳

力斗

三

右件藥搗細羅為散每服以乳汁調下半錢日三四服量兒大小加減以意

又方

杏仁

壹兩去皮尖雙仁以水一中盞研絞取汁

紫苑

半兩末

右以杏仁汁并紫苑末入蜜一合同煎如膏每服以清粥飲調下半茶匙量兒大小加減

驚膈嗽

小兒患驚風驚止而嗽作謂之驚膈嗽茅先生下金杏丸夾勻氣散與服

金杏丸

杏仁

去皮尖

甜亭蔴

漢防已

馬兜苓

去皮

右等分為末用蜜為丸小豆大每服十丸用麥門冬熟水吞下方為各有牽引不可除故兼有之

勻氣散

桔梗

去蘆頭淨洗乾伍兩

甘草

貳兩

縮砂仁

藜香

洗

陳橘皮

各壹兩

白薑

壹分

右為末每服半錢一錢用霜木瓜煎湯調下如無即用紫蘇鹽煎湯下

久嗽

聖惠菰蘆煎

治小兒久嗽不止心神煩悶

菰蘆

壹顆熟者去仁以童子小酥壹兩便一升相和研絞取汁

甘草

生壹分

蜜

貳兩

右件藥以銀鍋子中慢火煎如稀餈每服以清粥
飲調下半錢日四五服量見大小加減
不灰木散治小兒嗽久不止

不灰木

牛糞火燒通赤

貝母

煨令黃

甘草

炙微赤已上各半兩

右件藥搗麤羅為散每服一錢以新汲水一小盞

點生油一二滴打令散煎至五分去滓分溫二服

日四服量兒大小加減

桑白皮煎

治小兒經時不差及傷肺見血

桑根白皮

東引者切伍合

白狗肺

壹具切

甘草

茯苓

升麻

貝母

各拾分

芍藥

杏仁

炒各拾分

李根白皮

切肆分

款冬花

麥門冬

去心各陸分

黃芩

拾壹分

淡竹青皮

捌分

蜜

地黄汁

各壹升

右以水一斗煮及三升去滓下杏膏地黄汁蜜微
火上煎不住攪至二升三合綿瀝絞汁二三歲兒

一合溫服之日進三服夜三合

知母散 治大人小兒久嗽不止痰吐喘悶氣噎

知母

貝母

柴胡

黃芪

紫苑

洗

馬兜鈴

杏仁

研去皮尖

半夏

白礬水煮乾為度

桑白皮

炙

白礬

款冬花

各等分

咳

多和丸

三

右為細末每服一錢水七分盞同煎三分去滓時服或生薑自然汁煮糊為丸每服五七丸生薑湯下

貝母散 治小兒久咳嗽氣急

貝母 煨

杏仁 去皮炒

麥門冬 去心

款冬花 各壹分

紫苑 半兩

右為末用乳汁調下半錢

喘

脉

素問通評虛實論帝曰乳子中風熱喘鳴肩息者脉何如岐伯曰喘鳴肩息者脉實大也緩則生急則死曾小兒喘疾重於咳嗽然有虛實冷熱之分不可槩舉實熱者投清肺飲嗽加五和湯裏熱水薑蔥煎及瀉肺湯嗽碧玉丸為治經云喘急多因氣有餘蓋肺主氣故也虛冷者投枳實湯水薑煎并如意膏補肺散坎離湯自効此肺虛感風氣不升降致有是證及用定喘飲常驗不拘冷熱皆可服涎壅失音一聖

喘

力十九

三

散主之。哮喘急之證有因暴驚觸心者有因寒邪
壅盛者有因風邪外客者有因食鹹酸痰滯者有因
膏粱積熱薰。清道者然喘與氣急有輕重之別喘
則欲言不能隘於胸臆氣急但息短心神迷悶耳治
法因驚者用雄朱化痰定喘丸佐以天麻定喘飲寒
傷肺氣者用小青龍湯風邪傷肺者用三拗湯加減
之食鹹酸傷肺者啗以生豆腐熱傷肺氣者當涼肺
定喘哮喘喉聲如鋸者梅花飲兼用半夏丸前證多
因脾肺氣虛腠理不密外邪所乘真氣虛而邪氣實
者為多若已發則散邪為主未發則補脾為主設槩

攻其邪則損真氣逕補其肺則益其邪凡哮喘之證
若小便不利則必生脹脹則必生喘要分標本先後
先喘而後脹者主於肺先脹而後喘者主於脾蓋肺
金司降外主皮毛肺朝百脉通調水道下輸膀胱肺
既受邪則失降下之令故小便漸短致水溢皮膚而
生脹滿此則喘為本而脹為標也治當清金降火為
主而行水次之脾土惡濕而主肌肉土能尅水若脾
土受傷不能制水則水濕妄行浸漬肌肉水既上溢
則邪反侵肺氣不能降而生喘矣此則脹為本而喘
為標也治當實脾行水為主而清金次之苟肺證而

用燥脾之藥則金燥而喘愈甚脾病而用清金之藥則脾寒而脹益增觀其證若中氣虛弱者用六君子湯中氣虛寒者前方加炮薑鬱結氣滯者用歸脾湯加柴胡山梔肝木尅脾土者用六君柴胡山梔肺氣壅滯者用紫蘇飲加白朮食鬱壅滯者用養胃湯加木香肺中伏熱水不能生而喘者用黃芩清肺飲及五淋散脾肺虛弱不能通調水道者用補中益氣湯及六味丸膏梁厚味脾肺積熱而喘者用清胃散及滋腎丸心火刑金不能生水者用人參平肺散亦用滋腎丸腎水虧虛火爍金小便不利者用六味丸及

補中益氣湯肝木乘脾不能相制而喘者用六君柴胡升麻脾胃虛寒臍凸腹脹者用八味地黃丸脾腎虛寒不能攝水如蠱脹者用加減腎氣丸凡虧損足三陰而致喘脹或二便不調及牽引作痛者俱用六味八味加減腎氣等丸治之仍參傷風咳嗽證錢氏論肺盛復有風冷云胃滿短氣氣急喘嗽上氣當先散肺後發散風冷散肺瀉白散肺發散風冷大青膏主之瀉肺只傷寒則不胸滿潔古云肺實則喘而氣盛瀉白散

清肺飲嗽

五和湯 裏熱

碧玉丸 治痰嗽氣喘胸滿飲食減少睡不得寧煩躁有熱

青黛

明白礬 生用

天南星 生用

滑石 四味各貳錢半

輕粉 伍拾貼

全蝎 拾伍尾去尖毒

巴豆 肆拾粒去殼膜心存油碎切入乳鉢極細杵

右除輕粉巴豆外餘五味或晒或焙為末仍入前二味同在乳鉢杵勻薑汁煮糯米粉為糊丸粟殼大每服七丸至九丸或十一丸用淡薑湯空心投熱甚者薄荷湯下或不拘時

錢氏論肺臟怯云唇白色當補肺阿膠散主之 方見本門

若悶亂氣麤喘促哽氣者難治肺虛損故也脾肺病

久則虛而唇白脾者肺之母也母子皆虛不能相營

故名曰怯肺主唇唇白而澤者吉白如枯骨者死

補肺散 治久患咳嗽肺虛氣促有痰惡心

阿膠 壹兩半剉炒

白茯苓

馬兜鈴 去老梗

糯米 叁味各半兩

杏仁 貳拾壹粒湯泡去皮尖

甘州 肆錢炙

右剉每服二錢水一盞煎七分無時溫服

坎離湯 治虛喘晝輕夜重食減神昏

葦澄茄

石菖蒲 各壹錢

白朮

白茯苓 去皮 南木香 已上各 甘草炙

半夏 湯煮透濾仍剉焙乾 紫蘇子 略炒杵碎已上肆錢

右剉每二錢水一盞煎七分溫服無時

聖惠杏仁煎 治小兒欬嗽心煩喘麤

杏仁 湯浸去皮尖雙仁麩炒微黃 天門冬 去心

寒食麩 兩各壹 蜜 酥 各壹合

生地黄汁 壹大盞 貝母 半兩微炒

右件煎貝母及天門冬至五分便研絞取汁入杏仁膏等同熬如稀餈每服用溫水調下半錢已來量兒大小以意加減

八味理中丸 治小兒心肺不和息數脉急上下不升降中膈痞滿鬱隘胸臆坐卧煩悶神情不樂飲食不下

人參 甘草炙 白朮

乾薑 枳實 製炒 白茯苓

五味子 去梗 桑白皮 去赤皮

右件等分為細末煉蜜為丸小指頭大每服一丸淡豆豉伍粒水一小盞煎至半去豉通口服不拘時候

張煥蟬殼湯 治小兒肺氣不利病

白朮五味湯 治小兒咳嗽氣逆上喘二方並見
聚寶方平氣散 治小兒氣不和定喘和氣補虛思

食

人參

白茯苓

百合

甘草炙

白朮

桔梗各等分

右六味為末每服一錢水八分生薑少許同煎至五分温服

熱實雲岐云小兒結熱上氣喘者四順清涼飲子

寒實此下四行明本減

痰實丹溪云痰嗽痰喘並用涌法吐之重劑瓜蒂散

輕劑苦參赤小豆末須蝦蟇汁調服

生白丸 治小兒痰涎不利上喘欬嗽

白附子新羅者

天南星各半兩

半夏壹兩

右為末用生薑汁打麵糊為丸如菉豆大每服二十九至三十丸生薑湯下量大小加減

枳實湯 主傷風傷寒胸滿氣促咳嗽不活食多夾

痰吐出

喘

力斗心

四四

枳實

去剝片

赤茯苓

去皮

甘草

陸錢

半夏

朱錢湯煮透

桔梗

朱錢半

右件咳嗽每服二錢水一盞薑三片煎七分無時

如意膏

見前

半夏丸 治肺氣不調咳嗽喘滿痰涎壅塞心下堅

滿及風痰嘔吐惡心涕唾稠粘

白礬

壹兩

半夏

生薑汁製壹宿

右為末生薑自然汁丸赤豆大每服十九薑湯下

經驗後方 大人小兒定喘化痰

右用豬蹄四十九箇淨洗控乾每箇指甲內半夏

白礬各一字入罐子內封閉勿令煙出火煨通赤
去火細研入麝香一錢人有上喘咳嗽用糯米飲
下小兒半錢至妙

驚

大効雄硃化痰定喘丸

治小兒因驚發喘逆觸

心肺暴急張口虛煩神困

雄黃

硃砂

各壹錢研

蟬蛻

全蝎

地龍

白僵蠶

天南星

白附子

炮各貳錢半

輕粉

半錢

右為末麵糊圓如麻子大每服三十九薄荷茶清

送下食後服

天麻定喘飲 治小兒喘嗽驚風

天麻 防風 羌活

甘草 人參 桔梗

白朮 川芎 半夏麴各等分

右剉散每服二錢水一盞麥門冬十四粒煎至七分食後服有熱去白朮加芍藥枳殼

風邪傷肺 三拗湯嗽

紫蘇飲子 治肺受風寒喘熱痰嗽

紫蘇葉 桑白皮 青皮

五味子 杏仁 麻黃

甘草炙 陳皮各貳分 人參

半夏各叁分

右薑三片水煎溫服

寒邪傷肺 小青龍湯嗽

麻黃杏子甘草石膏湯 治傷寒發汗後不可更行

桂枝湯汗出而喘無大熱下後喘亦治

麻黃貳兩去節湯泡 杏仁貳拾伍箇去皮尖

石膏肆兩研 甘草壹兩炙

右剉散每服二錢水小盞煎六分去滓溫服

金匱要略小青龍加石膏湯 治大人小兒肺脹欬

而上氣煩躁而喘脉浮者心下有水

麻黄去節參兩芍藥

細辛各參兩干甘草炙

半夏洗半升五味子半升石膏碎乾薑各參兩

右九味咬咀以水一斗先煮麻黄減一升去上沫

內諸藥煮取三升去滓強服一升羸者減之日三

服小兒服四合

食鹹酸傷肺此下三行明本減

雜方吉氏治小兒傷冷氣喘涎多方

菰蘆壹箇大者阿膠壹分沙糖半兩

右件將二味投入菰蘆內以蓋子依舊封着白紙

都糊入飯甑蒸兩遍傾出隨兒大小約多少冷服

真珠散治小兒氣喘多涎

真珠末生犀角鈔各半錢香附子肆錢

龍腦少許

右為末每服半銅錢煎桃仁湯調下嬰兒一字

歲以下者半錢

茅先生小兒諸喘氣急方

喘

力斗九

四二

海漂蛸

馬兜鈴 去皮

黑牽牛末

牡蠣

右各秤二錢為末拌勻每服抄一錢用鯽魚淡煮湯調下

又方

海漂蛸

牡蠣 火煨

右等分為末每服一錢用淡生薑湯調下

喉間有聲千金射干湯 治小兒咳嗽喘急如水雞聲

射干

麻黃

紫苑

甘草

生薑 各半

半夏 叁錢

桂心 貳錢

大棗 拾伍枚

右剉散每服二錢水一盞半煎入蜜少許服

梅花飲子

治小兒驚潮五臟積熱上焦蘊熱手足心熱喉中多痰涎面色或紅或白啞呀鼻流清涕氣急肝肺壅熱目赤咳嗽或被人驚夜啼不安或傷寒漸安尚有餘熱亦宜服化痰退熱

硼砂

馬牙硝

芒硝

人參 各壹兩

甘草 半兩

梅花腦子

辰砂

麝香 各壹字

右八味爲末以磁器收貯遇有此證麥門冬湯調下氣喘咳嗽桑白皮湯下常服薄荷湯調下

失音 二聖散 治風痰壅閉語音不出氣促喘悶手足動搖似搐非搐

訶子 拾枚大者半生半炙去核 大腹皮 淨洗焙乾伍錢
右剉每服二錢水一盞煎七分無時溫服

通 定喘飲 治夾風痰喘氣促不拘冷熱二證

人參 去蘆頭 麻黃 不去根節 防已 去黑皮
訶子 去核 半夏 湯洗去滑 甘草 六味各五錢

右剉每服二錢水一盞薑二片煎七分無時溫服

總治十六般哮喘出本事方

阿膠 剉炒 馬兜鈴 甘草 炙

半夏 薑汁浸三日 杏仁 去皮尖大各壹兩 人參 半兩

右剉散每服二錢水一盞隨病湯使煎至七分臨卧食後服湯使于後

心嗽面赤或汗流加乾葛煎 肝嗽眼中淚出入烏梅一箇糯米十四粒煎 脾嗽不思飲食或惡

心入生薑二片煎 胃嗽吐逆吐酸水入蚌粉煎 膽嗽令人不睡用藥半錢茶清調下 肺嗽上

氣喘急入桑白皮煎 膈嗽出痰如圓塊生薑自

然汁調藥讌下 勞嗽秦光末同煎 冷嗽天晚
嗽甚蔥白三寸同煎 血嗽連頻不住當歸末棗
子同煎 暴嗽涕唾稠粘入烏梅生薑煎 產嗽
背甲痛甘草三寸黃蠟少許煎 氣嗽肚疼脹滿
青皮同煎 哮喘聲如拽鋸入半夏二箇同煎
腎嗽時復三兩聲入黃芪白飴糖煎
已上十六般嗽疾依法煎服無不効驗

馬脾風 暴喘而脹滿也 田氏云暴喘俗傳為馬脾
風也大小便哽宜急下之用牛黃奪命散後用白虎
湯平之 馬脾風在百日内者不治

牛黃奪命散 治小兒肺脹喘滿胸膈起急兩脇扇

動陷下作坑兩鼻竅張悶亂嗽喝聲嘎而不鳴痰
涎潮塞俗云馬脾風若不治死在旦夕

白牽牛 黑牽牛 各壹兩半生半熟

川大黃 檳榔 各壹兩

右為細末三歲兒每服二錢冷漿水調下涎多加
膩粉少許無時加蜜少許

無價散 治風熱喘促悶亂不安俗謂之馬脾風

辰砂 貳錢半 輕粉 伍錢 甘遂 麩裏煮焙 乾壹錢半

右為細末每服一字用溫漿水少許入滴油一點

針灸

喘

幼科九

五

挑藥在上沉下去却以漿水灌之立効

又一法小兒喘脹俗謂之馬脾風又謂之風喉者以草莖量病兒手中指裏近掌紋至中指尖截斷如此二莖自乳上微斜直立兩莖於稍盡頭橫一莖兩頭盡頭點穴灸三壯此法多曾見愈

白案小
此法多曾見愈
小兒喘脹俗謂之馬脾風又謂之風喉者以草莖量病兒手中指裏近掌紋至中指尖截斷如此二莖自乳上微斜直立兩莖於稍盡頭橫一莖兩頭盡頭點穴灸三壯此法多曾見愈

